

24/01/2020 წელი.

ქ. ბათუმი.

დღის წესრიგი: ქობულეთის მუნიციპალიტეტში (მე-2 ზონა) სასაქონლო ბეტონის მ-250-ის (B-20) ელექტრონული ტენდერის აუქციონის გარეშე სახელმწიფო შესყიდვის სატენდერო განცხადების და სატენდერო დოკუმენტაციის პროექტის დამტკიცება.

სხდომას ესწრებოდნენ:

სატენდერო კომისიის თავმჯდომარე, დეპარტამენტის უფროსის მოადგილე – ბაქარ ჩიტაია

კომისიის წევრები:

- იურიდიული სამსახურის უფროსი - მალხაზ ბოლქვაძე.
- ლოჯისტიკის სამსახურის უფროსი - როლანდი ბოლქვაძე.
- სახელმწიფო შესყიდვების სამსახურის უფროსი (აპარატის წევრი) – ზებურ ჩავლეიშვილი.

სხდომას არ ესწრება - საფინანსო-საბუღალტრო სამსახურის უფროსი – ზვიად ანანიძე.

სატენდერო კომისიის აპარატის წევრი:

სახელმწიფო შესყიდვების სამსახურის მე-2 კატეგორიის უფროსი აპეციალისტი - ირინა ფუტკარაძე.

მომხსენებელი: აპარატის წევრი - ზ. ჩავლეიშვილი.

მოისმინეს: მომხსენებელმა - ზ. ჩავლეიშვილმა სხდომას დასამტკიცებლად წარუდგინა ელექტრონული ტენდერის სახელმწიფო შესყიდვის სატენდერო განცხადების და სატენდერო დოკუმენტაციის პროექტი.

შესყიდვა განხორციელდეს ელექტრონული ტენდერით აუქციონის გარეშე, შესყიდვის სავარაუდო ღირებულება შეადგენს 297 200 ლარს, სატენდერო წინადადების ფასი წარმოდგენილი უნდა იქნას დღგ-ს ჩათვლით. მოსაწოდებელი მზა ბეტონის ოდენობა შეადგენს 2050 კუბ/მეტრს, ცალკეული გზის მონაკვეთები და შესაბამისად მოსაწოდებელი მზა ბეტონის მოცულობები განსაზღვრულია დანართი #3 -ის მიხედვით.

ელექტრონული ტენდერის ჩატარების შესახებ განცხადებისა და სატენდერო დოკუმენტაციის გასაცნობად, აგრეთვე სატენდერო წინადადების წარსადგენად ვადები განისაზღვროს "სახელმწიფო შესყიდვების შესახებ" საქართველოს კანონის 15¹ მუხლის მე-3 პუნქტის „ბ“ ქვეპუნქტის შესაბამისად. მიწოდების ვადა განისაზღვროს - ხელშეკრულების დადების თარიღიდან 2020 წლის 15 ოქტომბრის ჩათვლით.

პრეტენდენტს მოეთხოვება შემდეგი სახის ტექნიკური დოკუმენტაციის წარმოდგენა:

- ფასების ცხრილი - დანართი N1, საქონლის წარმოშობის ქვეყნის და მიმწოდებლის მითითებით.
- ინფორმაცია სამუშაოების შესასრულებლად საჭირო მანქანა-მექანიზმების შესახებ, კერძოდ:

პრეტენდენტ პირს ტენდერით გათვალისწინებული სამუშაოების შესასრულებლად უნდა გააჩნდეს საკუთარი ან საქართველოს სამოქალაქო კოდექსით ნებადართული (ქირა, იჯარა, თხოვება და ა. შ.) თანამედროვე ტექნიკური მოთხოვნების შესაბამისი მატერიალური ტექნიკური ბაზა, კერძოდ:

ა) პრეტენდენტს საკუთრებაში უნდა გააჩნდეს ან/და მზა ბეტონის ნარევის დამაზადებელი ქარხანა საშუალო წარმადობით საათში არანაკლებ 35 კუმ/მ-სა, რაზედაც წარმოდგენილი იქნას აუდიტის დასკვნა და იჯარით სარგებლობაში 8 ერთეული ბეტონმრევი მანქანა, საიდანაც 2 ერთეული ბეტონმრევი მანქანა უნდა იყოს კალათის მოცულობით არაუმეტეს 5 კუმ/მეტრისა, აქედან 1 ერთეული 5 კუმ/მეტრი კალათის მოცულობის ბეტონმრევი მანქანა უნდა იყოს მაღალი გამავლობის.

ბ) ან/და მზა ბეტონის ნარევის დამაზადებელ ქარხანასთან გაფორმებული უნდა ქონდეს ხელშეკრულება მზა ბეტონის მოწოდებაზე (ხელშეკრულების მოქმედების ვადა განისაზღვროს არანაკლებ 2020 წლის 30 ნოემბრისა) და საკუთრებაში უნდა გააჩნდეს 8 ერთეული ბეტონმრევი მანქანა, საიდანაც 2 ერთეული ბეტონმრევი მანქანა უნდა იყოს კალათის მოცულობით არაუმეტეს 5 კუმ/მეტრისა, აქედან 1 ერთეული 5 კუმ/მეტრი კალათის მოცულობის ბეტონმრევი მანქანა უნდა იყოს მაღალი გამავლობის.

- წარმოდგენილი იქნას მექანიზმების სარეგისტრაციო მოწმობის ან/და საკუთრების ან/და სარგებლობის უფლების დამადასტურებელი დოკუმენტების ასლები. იჯარის შემთხვევაში წარმოდგენილი იქნას როგორც საიჯარო ხელშეკრულებების, ასევე სარეგისტრაციო მოწმობის ასლებიც, ამასთან საიჯარო ხელშეკრულებაში მითითებული ავტოსატრანსპორტო საშუალების გამქირავეების საკუთრებაში უნდა იმყოფებოდეს სარეგისტრაციო მოწმობაში

დაფიქსირებული ტრანსპორტი, ან/და სარეგისტრაციო მოწმობაში დაფიქსირებულ სატრანსპორტო საშუალების მესაკუთრეს ნოტარიულად დამოწმებული მინდობილობით უნდა ჰქონდეს გაცემული ტრანსპორტი გამქირავებელზე, ტრანსპორტის იჯარით გაცემის უფლებით. იჯარის შემთხვევაში საიჯარო ხელშეკრულების ვადა განისაზღვროს არანაკლებ 2020 წლის 30 ნოემბრისა.

-ტექნიკის ლიზინგით სარგებლობაში არსებობა-პრეტენდენტს ჩათვლება საკუთრებაში.
- აუდიტის დასკვნის წარმოდგენის შემთხვევაში, აუდიტის დასკვნა უნდა ადასტურებდეს მანქანა-მექანიზმების ან ქარხნის საკუთრებაში არსებობას და ქარხნის წარმადობას. აუდიტის დასკვნის წარმოდგენის შემთხვევაში, დოკუმენტი გაცემული უნდა იყოს ტენდერის გამოცხადების შემდეგი თარიღით. ინფორმაცია წარმოდგენილი იქნას დანართი #2-ის შესაბამისად.

პრეტენდენტს მოეთხოვება საკვალიფიკაციო მონაცემების წარმოდგენა, კერძოდ:

ა) ამონაწერი სამეწარმეო და არასამეწარმეო (არაკომერციულ) პირთა რეესტრიდან;
ბ) ცნობა შემოსავლების სამსახურიდან ბიუჯეტის წინაშე დავალიანების არარსებობის შესახებ, საიდანაც უნდა იკვეთებოდეს რომ პრეტენდენტს არ გააჩნია აღიარებული დავალიანება ბიუჯეტის მიმართ, ამასთან არაღიარებული საბიუჯეტო დავალიანება არ უნდა აღემატებოდეს ცნობაში დაფიქსირებულ ზედმეტობის თანხას.
- იმ შემთხვევაში თუ პრეტენდენტის მიერ წარმოდგენილ საკვალიფიკაციო მონაცემებში რეგისტრირებულია ყადაღა/აკრძალვა ან/და საგადასახადო გირავნობა/იპოთეკის უფლება ან/და პრეტენდენტი რეგისტრირებულია მოვალეთა რეესტრში, ასევე თუ შემოსავლების სამსახურის მიერ გაცემული ცნობის თანახმად ფიქსირდება ბიუჯეტის წინაშე დავალიანება, პრეტენდენტი დისკვალიფიცირებული იქნება სახელმწიფო შესყიდვების სააგენტოს თავმჯდომარის 2017 წლის 14 ივნისის №12 ბრძანებით დანტკიცებული „ელექტრონული ტენდერის ჩატარების წესის“ 32-ე მუხლის 1 პუნქტის (ე) ქვეპუნქტის საფუძველზე.

- მოეთხოვება ხელშეკრულების შესრულების უზრუნველყოფის გარანტია სახელშეკრულებო თანხის 5%-ის ოდენობით;

- გათვალისწინებულია ავანსის გაცემა სახელშეკრულებო ღირებულების არაუმეტეს 25%-ის ოდენობით.

- განისაზღვროს შეთავაზების ფასის კლების ბიჯი - შესყიდვის სავარუდო ღირებულების - 1%.

კომისიის წევრებმა განიხილეს წარმოდგენილი სატენდერო განცხადებისა და სისტემაში ელექტრონულად შევსებული სატენდერო პირობების პროექტი და მხარი დაუჭირეს წარმოდგენილ პროექტს.


დაადგინეს:

1. დამტკიცდეს ქობულეთის მუნიციპალიტეტში (მე-2 ზონა) სასაქონლო ბეტონის მ-250-ის (B-20) ელექტრონული ტენდერის აუქციონის გარეშე სახელმწიფო შესყიდვის წარმოდგენილი სატენდერო განცხადების და სისტემაში ასატვირთი ელექტრონულად შევსებული სატენდერო პირობების პროექტი;

2. შესყიდვის საორიენტაციო ღირებულება განისაზღვროს 297 200 ლარის ოდენობით, მზა ბეტონის ოდენობა - 2 050 კუბ/მეტრი, ცალკეული გზის მონაკვეთები და შესაბამისად მოსაწოდებელი მზა ბეტონის მოცულობები განისაზღვროს დანართი #3 -ის მიხედვით.


3. დაევალოს სატენდერო კომისიის აპარატს ტენდერის გამოცხადების პროცედურების განხორციელება.

სატენდერო კომისიის თავმჯდომარე:

 ბაქარ ჩიტაია

კომისიის წევრები:

 მალხაზ ბოლქვაძე

 როლანდი ბოლქვაძე

 ზებურ ჩაველიშვილი

აპარატის წევრი:

 ირინა ფუტყარაძე